



**АКАФИСТ СВАТОМУ
ВСАХКОМУЧЕНИКУ ГЕОРГИЮ
ПОБЕДОНОСЦУ**

Конда́к 1.

Возбра́нному воево́де и Победоно́сцу Гео́ргию соста́вим похва́лу, я́ко ходатаю́ на́шему и ско́рому помо́щнику: ты́ же, святы́й великомучени́че, я́ко имейя́ дерзнове́ние ко Го́споду, от вся́ких на́с бе́д свобо́ди, да зове́м ти́:

Ра́дуйся, Гео́ргие, вели́кий Победоно́сче.

И́кос 1.

А́нгелов Творе́ц и всея́ тва́ри Соде́тель, яви́вый ты́ Це́ркви Своея́ ве́ры поборо́ника и за ве́ру непобеди́маго страстоте́рпца, внуша́ет на́м за по́двиги страда́ний твои́х восхваля́ти ты́, свя́те Гео́ргие, си́це:

Ра́дуйся, до конца́ Иису́са Сы́на Бо́жия возлюбивы́й; ра́дуйся, за и́мя Его́ с любо́вию ду́шу свою́ положи́вый.

Ра́дуйся, испове́днице, от Бо́га призва́нный; ра́дуйся, подви́жнице, Бо́жиею благода́тию просла́вленный.

Ра́дуйся, А́нгелов сожи́телю; ра́дуйся, проро́ков равносто́ятелю.

Ра́дуйся, Гео́ргие, вели́кий Победоно́сче.

Конда́к 2.

Ви́дя гоне́ние нечести́вых на христиа́ны, не убо́ялся еси́ ко́зни их и мучи́тельства, богому́дре, но я́ко до́брый во́ин Христов, вся́ своя́ ни́щим разда́в, во́лею поте́кл еси́ на сове́т их непра́ведный, Христу́ вождю́ и Бо́гу своему́ поя́: Аллилу́иа.

И́кос 2.

Разу́мно уразуме́в Еди́наго Бо́га, в Три́ех Ипоста́сах боголе́пно покланя́емаго, твёрды́м умо́м испове́дал еси́ Его́ на собо́рищи нечести́вых и та́ко обличи́л еси́ безу́мнаго ца́ря безу́мное поклонё́ние тва́ри. Сего́ ра́ди за твоё высо́кое любому́дрие приими́ от на́с, Гео́ргие, усёрдныя похва́лы:

Ра́дуйся, Еди́наго и́стиннаго Бо́га пропове́днице; ра́дуйся, Пресвяты́я Тро́ицы ве́рный защи́тнице.

Ра́дуйся, ве́лию правосла́внаго испове́дания та́йну неве́рным показавы́й; ра́дуйся, идо́льского служё́ния преле́сть обличи́вый.

Ра́дуйся, ри́торе Бо́жий; ра́дуйся, ветие́, прему́дрости исполне́нный.

Ра́дуйся, Гео́ргие, вели́кий Победоно́сче.

Конда́к 3.

Сила Божия, просвещающая всякаго человека, грядущаго в мир, и в темнице ты страждущаго посетила еси, смиренномудре Георгие: понеже ты вся жития сего тленная, яко уметы презрев, единому Христу прилепился еси, да за имя Его добре воинствовав, сподобишися Тому со Ангелы вечно воспевати: Аллилуиа.

И́кос 3.

Имея ум и сердце, Духом Святым озаренная, ты по внушению Его поревновал еси подвизатися за имя Христово, до крове стоя бо мужественно в вере, обличил еси вознесенную нечестиваго соборища гордыню. Сего ради хвалим ты, всемудре Георгие, сиче:

Радуйся, щите, воздвигнутый на охранение благочестия; радуйся, мечу, подъятый на посечение нечестия.

Радуйся, столпе веры; радуйся, стено и утверждение Христовы Церкви.

Радуйся, верных удобрение; радуйся, неверных страх и посрамление.

Радуйся, Георгие, великий Победоносче.

Конда́к 4.

Безумный мучитель, дышавший на ты убийством, страстотерпче Георгие, жаждал бо крове твоея, яко пёс алчный, повелевая распяти на колесе тело твоё и злейшим мукам предати; ты же, возмогая о Господе, с твердым упованием к Богу зывал еси: Аллилуиа.

И́кос 4.

Слышавше от тебе Диоклетиан и жрецы идольстии словеса премудрости, распыхахуся на ты злобою, паче же егда рекл еси: «О царю мучителю! Почто мя все истязуеши? Мне бо еже жити, Христос, и еже умерети, приобретение. Трудно ти еси противу рожна прати». Сего ради мы зываем ти, великоимените Георгие, сиче:

Радуйся, за мужественное исповедание веры на колесе кровь свою проливый; радуйся, кровию своею торжество веры возвеличивый.

Радуйся, Апостолов соревнителю; радуйся, вольным Христовым Страстем подражателю.

Ра́дуйся, побóрнице вéры непоколебímый; ра́дуйся, страсотéрпче, адаманта
твердéйший.

Ра́дуйся, Геóргие, вели́кий Победонóсче.

Конда́к 5.

Боготéчней звездé подóбен б́ыл еси́ Геóргие, чудéсным бо от А́нгела
исцелéнием и в́идимым от колесá отрешéнием научи́л еси́ невер́ных вéровати
в Трóицу Единосúщную и Тóй кúпно с тобóю воспевáти: Аллилúиа.

Íкос 5.

Видеша наро́ди чудесá síлы Бóжией, я́ве на тебе́ бывáемья, с крóтостию
учéние Христóво от тебе́ прия́ша и возопи́ша, глаго́люще: «Во́истину вели́к
Бог христиа́нский!» Сего́ ра́ди и мы́, восхваля́я тя́, достосла́вне Геóргие,
взывáем си́це:

Ра́дуйся, светонóсным спасéния слóвом тьмú невер́ия разгна́вый; ра́дуйся,
мúченическим вéры исповéданием невер́ныя ко Христú обратíвый.

Ра́дуйся, легиóны во́инов земн́ых в небéсное во́инство предводя́й; ра́дуйся,
я́ко во́ин Христóв с небéсными во́и пребывáяй.

Ра́дуйся, ратобóрцев сла́во; ра́дуйся, пресвётлаго мúченическаго ли́ка
красотó.

Ра́дуйся, Геóргие, вели́кий Победонóсче.

Конда́к 6.

Проповéдником íстины, духонóсным Апóстолом поревновáв, крестóм ми́ру
распя́лся еси́, страсотéрпче; сé бо, я́ко Ио́на во чре́во китово, в пéщь
нерастворéнныя íзвести стремгла́в ввэ́ржен б́ыл еси́, да просла́вится тебе́
ра́ди див́ный во святýх Господь, Емúже ты́ и в рóве íзвестнем, я́ко во хра́ме
сла́вы, úмно вzywáл еси́: Аллилúиа.

Íкос 6.

Воссия́вый в триднёвнем Своём от грóба востáнии всеsíльный áда и смéрти
Победíтель Иисúс спасé ты́ от áдова ислéния, страсотéрпче Геóргие: по
триех бо днéх обретóша ты́ в íзвести ж́ива и в возде́янии рúк пою́ща Бóга;
сего́ ра́ди вельми́ пристра́шни б́ыша и ужасóшася. Мы́ же, ра́дующеся,
восписúем ты́ побéдную пéснь:

Ра́дуйся, позóрным в íзвестный рóв низверже́нием, вознесéнную диáвола горды́ню низложíвый; ра́дуйся, дíвным от Бóга спасéнием зvéрство мучíтелей победíвый.

Ра́дуйся, я́ко незло́бив сýй, за творíвших тí напáсть моли́лся есí, я́ко за благотвóрцев; ра́дуйся, я́ко о обраще́нии íх, я́ко же Па́вел о евре́ех, болéзновал есí.

Ра́дуйся, мýжу желáний; ра́дуйся, сосúде избрáнный.

Ра́дуйся, Геóргие, вели́кий Победонóсче.

Конда́к 7.

Хотя́й всячески улови́ти се́рдце твоё к преле́сти íдол, нечестíвый мучíтель умы́шляет прельсти́ти т́я волше́бными чарова́нии; т́ы же, богоизбра́нне, с Давíдом восклицáя: «О Бóзе спасéние моё и сла́ва моя́», ве́рно Тому́ пёл есí: Аллилу́иа.

И́кос 7.

Но́вое показá зло́ лука́вый óный сатаны́ служи́тель Диоклетиáн, егда́ в безúмной своёй ко íдолом ре́вности повелé напои́ти т́я, Геóргие, я́дом; т́ы же испóлнен сýй ве́ры и упова́ния, áще и сме́ртное испíл, обáче без вре́да пребы́л есí, богохва́льне, те́мже и мы́ вопие́м т́и:

Ра́дуйся, я́ко во упова́нии на Бóга Жíва не посрамíлся есí; ра́дуйся, я́ко мучíтеля нивочто́же вмени́л есí.

Ра́дуйся, бесóв отгна́телю; ра́дуйся, волше́бныя ко́зни разруши́телю.

Ра́дуйся, я́ко тобо́ю дíвен Бóг во святы́х Свои́х явля́ется; ра́дуйся, я́ко тобо́ю благоче́стно íмя Христо́во прославля́ется.

Ра́дуйся, Геóргие, вели́кий Победонóсче.

Конда́к 8.

Стра́нный и стра́шный сове́т бýсть от не́коего волхва́ нечестíвому царю́, да повелíт т́и, в доказáтельство пра́вности ве́ры Христо́вой, сло́вом воскресíти ме́ртваго; т́ы же, Геóргие, ничто́же сумня́ся, воспева́л есí Тому́, Íже не́сть Бóг ме́ртвых, но Бóг живы́х: Аллилу́иа.

Їкос 8.

Всежеланный и Сладчайший Иисус, Егже ты всею душею и всем сердцем возлюбил еси, всеблаженне Георгие, слыша теплое веры твоея моление, вскоре повеле по слову твоему воскреснути мертвому, прославления ради Имени Своего и верных утверждения, неверным же и ослепленным на удивление и богопознание. Сего ради по долгу вопиём ти:

Радуйся, яко Господь сил дивная на тебе явил есть; радуйся, яко тобою мертвого от гроба воскресил есть.

Радуйся, ослепленному волхву умное веры прозрение даровавый; радуйся, многим, Христа ради пострадавшим, во святая святых путь показавый.

Радуйся, Рима удивление; радуйся, христианскаго рода возвышение.

Радуйся, Георгие, великий Победоноче.

Кондак 9.

Вси Ангели восхвалиша Бога, даровавшаго ти таковое мужество, Георгие, яко и в темничном заточении не преставал еси молитвенно бодрствовать. Сего ради, яко великий тайник Божия благодати, удостоился еси видети в видении Господа, венцем нетления главую твою венчающа, да и мы с тобою вопиём: Аллилуиа.

Їкос 9.

Ветии многовещанныи риторскими своими языки не возмогут изрещи тебе достойныя хвалы, Георгие, многих ради твоих подвигов и болезней, ихже за Христа и Церковь подъял еси волею. Сего ради и мы, недоумя восхваляти тя по достоянию, воспеваем сие:

Радуйся, вольным за Христа и Церковь страданием ветхаго в себе Адама распявый; радуйся, за доблестное страдание венец правды от руки Господней приявый.

Радуйся, правило ревности благочестивыя; радуйся, образе нищеты духовныя.

Радуйся, яко не себе, но Единому Богу добре угодил еси; радуйся, яко за Христа на многообразныя смерти готов был еси.

Радуйся, Георгие, великий Победоноче.

Конда́к 10.

Спасти́ хотя́ ду́ши во тьме́ идолослужения́ погиба́ющих, боголю́бче Гео́ргие, ты́, ревну́я, поревновáл еси́, я́ко Илия́ по Бóзе: вше́д бо во хра́м идо́льский, си́лою Бóжиею разгна́л еси́ бе́сы, сокруши́л идо́лы, посра́мил жрецы́ и, я́ко победи́тель, не с челове́ки, но со А́нгелы пѣл еси́ Бóгу: Аллилу́иа.

И́кос 10.

Стены́ безчу́вственнее окаменѣ́нный се́рдцем мучи́тель тво́й, Гео́ргие, не уразуме́ Бóга, я́ве тобо́ю чудодѣ́йствующа, но до конца́ пребы́л еси́, я́ко а́спид, затыка́яй у́ши свои́. Сего́ ра́ди повеле́ усещи́ тя на позори́щи во главу́, я́ко злоде́я; ты́ же, болѣзну́я о поги́бели души́ егó, ра́достно при́ял еси́ кончи́ну, за нóже мы́ ты́ ублажа́ем любóвию си́це:

Ра́дуйся, ве́ру, наде́жду и любы́ до конца́ сохрани́вый; ра́дуйся, во успѣ́нии твоѣ́м мно́гия и вели́кия чудеса́ сотвори́вый.

Ра́дуйся, ору́жием благово́ления Бóжия венча́нный на земли́; ра́дуйся, сла́вою и велеле́пием украше́нный на Небеси́.

Ра́дуйся, челове́че Бóжий; ра́дуйся, до́брый во́ине Христовъ.

Ра́дуйся, Гео́ргие, вели́кий Победоно́сче.

Конда́к 11.

Пѣ́ние Пресвяте́й Трóице па́че иныхъ возда́л еси́, святы́й великомучени́че Гео́ргие, не сло́вом то́чию и умо́м, но живы́м всего́ себя́ в же́ртву принесѣ́нием: подража́я бо распя́тому за ны́ непоро́чному А́гнцу Христу́, положи́л еси́ ду́шу свою́ за дру́ги своя́ волею. Те́мже у́бо а́ще и недово́льны есмь́ к похвалѣ́нию таково́я твое́я до́блести, бо́льше бо се́я любве́ никто́же има́ть, оба́че благодарни́ суще, поѣ́м Дивно́му во святы́х Бóгу: Аллилу́иа.

И́кос 11.

Светоприѣ́мный свети́льник и́стиннаго Свѣ́та сущим на земли́ явля́ешься, богоизбра́нне Гео́ргие, просвещáеши бо сердца́ ве́рных и к ра́зуму Божѣ́ственному вся́ наставля́еши, поучáя и на́с весело́ взывáти:

Ра́дуйся, я́ко в пресвѣ́тлых а́нгельскихъ черто́зехъ все́ляешься; ра́дуйся, я́ко не в гада́нии, но лицѣ́м к лицу́, Невече́рняго Трóическаго Свѣ́та причаща́ешься.

Ра́дуйся, ни́щих пита́телю и оби́димых защи́тнице; ра́дуйся, немощны́х врачу́ и царей побо́рнице.

Ра́дуйся, правосла́вным во́ином во бра́нех спобо́рнице; ра́дуйся, о спасе́нии греше́тников те́плый ходатаю́.

Ра́дуйся, Гео́ргие, вели́кий Победоно́сче.

Конда́к 12.

Благода́ть, да́нную ти́ от Бо́га, ве́дуще, па́мять твою́ пра́зднуем, вели́комучени́че Гео́ргие, и с усер́дным моле́нием к чудотво́рному о́бразу твоему́ притека́юще, твоёю́ всеси́льною о Го́споде по́мощию, я́ко неодо́лимую стено́ю, огражда́емся. Сего́ ра́ди восхваля́я тя́, усер́дно зове́м Бо́гу: Аллилу́иа.

И́кос 12.

Сла́вную кончи́ну твою́ пою́ще, ё́юже возвели́чился еси́, я́ко до́брый во́ин Христо́в, мо́лим тя́, страсоте́рпче Гео́ргие: бу́ди на́м во все́м ко бла́гу помо́щнице и услы́ши ны́, усер́дно взыва́ющих ти́:

Ра́дуйся, я́ко тобо́ю Це́рковь ве́рных просвещáется; ра́дуйся, я́ко и́мя твоё́ и между́ неверны́ми прославля́ется.

Ра́дуйся, дивна́я испове́дников сла́во; ра́дуйся, высóкая мучени́ков похвало́.

Ра́дуйся, телес на́ших целе́бнице; ра́дуйся, о душа́х на́ших моли́твеннице.

Ра́дуйся, Гео́ргие, вели́кий Победоно́сче.

Конда́к 13.

О всеблаже́нный и святы́й вели́комучени́че Гео́ргие, приими́ си́е на́ше хвале́бное пе́ние и изба́ви на́с от вся́каго зла́ твои́м те́плым к Бо́гу ходата́йством, да с тобо́ю воспева́ем: Аллилу́иа.

(Этот конда́к чита́ется трижды, затем 1-й и́кос и 1-й конда́к.)

И́кос 1.

А́нгелов Творе́ц и всея́ тва́ри Содо́тель, яви́вый тя́ Це́ркви Своёя́ ве́ры побо́рника и за ве́ру непобеди́маго страсоте́рпца, внуша́ет на́м за по́двиги страда́ний твои́х восхваля́ти тя́, свя́те Гео́ргие, си́це:

Ра́дуйся, до конца́ Иису́са Сы́на Бо́жия возлюбивый; ра́дуйся, за и́мя Его́ с
любо́вию ду́шу свою́ положи́вый.

Ра́дуйся, испове́днице, от Бо́га призва́нный; ра́дуйся, подви́жнице, Бо́жиею
благодáтию просла́вленный.

Ра́дуйся, А́нгелов сожителю; ра́дуйся, проро́ков равносто́ятелю.

Ра́дуйся, Гео́ргие, вели́кий Победоно́сче.

Конда́к 1.

Возбра́нному воево́де и Победоно́сцу Гео́ргию соста́вим похвалу́, я́ко
ходáтаю на́шему и ско́рому помо́щнику: ты́ же, святы́й великомучениче, я́ко
име́й дерзнове́ние ко Го́споду, от вся́ких на́с бе́д свободи́, да зове́м ти́:

Ра́дуйся, Гео́ргие, вели́кий Победоно́сче.

Моли́тва пе́рвая.

Святы́й, сла́вный и всехва́льный великомучениче Гео́ргие! Собра́ннии в
хра́ме твоём и пред ико́ною твоёю свято́ю покланя́ющиися лю́дие, мо́лим тя́,
изве́стный желáния на́шего ходáтаю, моли́ с на́ми и о на́с умоля́емаго от
Своего́ благоутро́бия Бо́га, да ми́лостивно услы́шит на́с, прося́щих Его́
благосты́ню, и не оста́вит вся́ на́ша ко спасе́нию и жити́ю ну́жная проше́ния,
и да́рует стране́ на́шей побéду на сопроти́вныя; и па́ки, припада́юще, мо́лим
тя́, святы́й Победоно́сче: укрепí да́нною тебе́ благодáтию во бра́нех
правосла́вное во́инство, разруши́ си́лы возста́ющих враго́в, да посты́дятся и
посра́мятся, и дерзость их да сокруши́тся, и да уве́дят, я́ко мы́ имеем
Божéственную по́мощь, и все́м, в ско́рби и обстоя́нии су́щим, многомощное
яви́ свое́ заступле́ние. Умоли́ Го́спода Бо́га, всея́ тва́ри Созда́теля, изба́вити
на́с от вéчнаго муче́ния, да всегда́ прославля́ем Отца́, и Сы́на, и Свята́го Ду́ха
и твоё испове́дуем предста́тельство ны́не, и при́сно, и во ве́ки веко́в. Ами́нь.

Моли́тва второ́я.

О всехва́льный, святы́й великомучениче и чудотво́рче Гео́ргие! При́зри на ны́
ско́рою твоёю по́мощию и умоли́ Человеколю́бца Бо́га, да не осу́дит на́с,
грéшных, по беззакóнием на́шим, но да сотвори́т с на́ми по вели́цей Своёй

милости. Не презри молѣния нашего, но испроси нам у Христа Бога нашего тихое и богоугодное житіе, здравіе же душевное и телесное, земли плодородіе и во всем изобилии, и да не во зло обратим даруемая нам тобою от Всещедраго Бога, но во славу святаго Имени Его и в прославление крепкаго твоего заступленія, да подаст Он стране нашей и всему боголюбивому воинству на супостаты одолѣние и да укрепит непремѣемым миром и благословеніем. Изряднее же да оградит нас святых Ангелов Своих ополченіем, во еже избавитися нам по исходе нашем от житія сего от козней лукаваго и тяжких воздушных мытарств его и неосужденным предстати Престолу Господа славы. Услыши нас, страстотерпче Христов Георгіе, и моли за ны непрестанно Триипостаснаго Владыку всех Бога, да благодатию Его и человеколюбіем, твоею же помощію и заступленіем обрящем милость со Ангелы и Архангелы и всеми святыми одесную Правосуднаго Судий стати и Того вину славити со Отцем и Святым Духом ныне, и присно, и во веки веков.

Аминь.